

UGOVOR O JAVNOJ NABAVCI I ISPORUCI ROBA

-kancelarijskog materijala za potrebe SERDA d.o.o. Sarajevo -

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ)
i
2. **«PRINTERPAPIR» d.o.o. Sarajevo**, Azize Šaćirbegović br. 92, Sarajevo, koga zastupa direktor Amir Alajbegović, (u daljem tekstu: Dobavljač)

I PREDMET UGOVORA

Član 1.

Predmet ovoga Ugovora je nabavka i isporuka **kancelarijskog materijala za potrebe SERDA d.o.o. Sarajevo**, u postupku Direktni sporazum, a prema Ponudi ponuđača br: 01-7/17 od 11.07.2017. godine.

II CIJENA

Član 2.

Roba koja je predmet ovog Ugovora će se isporučivati putem narudžbi Ugovornog organa, po fiksnim jediničnim cijenama koje su date u ponudi Dobavljača.

Cijena ponude bez PDV-a iznosi 2.392,85 KM, a cijena ponude sa PDV-om je 2.799,63 KM.

III NAČIN PLAĆANJA

Član 3.

Plaćanje za robe iz člana 1. ovog Ugovora će se izvršiti na sljedeći način:

- plaćanje putem poslovne banke na račun broj 1610000002930090 otvoren kod RAIFFEISEN Bank,
- rok plaćanja je 30 dana od dana ispostavljene fakture.

IV ROK ISPORUKE

Član 4.

Dobavljač se obavezuje da robe iz člana 1. isporuči u roku od 1 dana od prijema narudžbe na adresu Ugovornog organa.

V OBAVEZE UGOVORNOG ORGANA

Član 5.

Ugovorni organ se obavezuje da:

- izvrši obavezu iz člana 3. ovog Ugovora

VI OBAVEZE DOBAVLJAČA

Član 6.

Dobavljač se obavezuje da:

- izvrši obavezu iz člana 4. ovog Ugovora,
- isporuči robe traženog kvaliteta
- ispostavi fakturu za isporučene robe.

Član 7.

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

VII PENALI

Član 8.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

IX OSTALE ODREDBE

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ovaj ugovor stupa na snagu kada ga potpišu obje ugovorne strane.

Ugovor se zaključuje na period od jedne godine računajući od dana stupanja na snagu. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 12.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

**ZA DOBAVLJAČA
DIREKTOR**




Amir Alajbegović

Broj: 20/17

Dana, 16.07.2017

**ZA UGOVORNI ORGAN
DIREKTOR**



dr. Ševkija Okerić

Broj: 46-110/17

Dana, 13.07.2017.